

又 玄 集

又

玄

集

又

玄

集

〔唐〕韋莊撰

古

典

文

學

出

版

社

出

版

上海市書刊出版業營業許可證出字第號

(上海康平路一五二弄十八號)

華書店上海發行所發行
印書館上海廠印刷

一九五八年一月一日第一次印刷
一版

字數：二六，〇〇〇 印數：一一五，〇〇〇

開本：二四乘五四吋十二分之一 印張：十二又六分之一

書號：一七三 定價：（特）一元一角

又玄集

左補闕韋莊述

謝玄暉文集盈編止誦澄江之句。曹子建詩名冠古。唯吟清夜之篇。是知美稼千箱。兩岐爰少。繁絃九變。大謾殊稀。入華林而珠樹非多。閱衆籟而紫簫惟一。所以擷芳林下。拾翠岩邊。沙之汰之。始辨辟寒之寶。載彫載琢。方成瑚璉之珍。故知領下採珠。難求十斛。管中窺豹。但取一斑。自國朝大手名人。以至今之作者。或百篇之內。時記一章。或全集之中。唯徵數首。但掇其清詞麗句。錄在西齋。莫窮其巨派洪濶。任歸東海。揅其記得者。才子

一百五十人誦得者名詩三百首長樂暇日陋巷窮時
聊撻隙以書紳匪擴心而就簡此蓋詩中鼓吹名下笙
簧擊鳬氏之鐘霜清日觀淬雷公之劍影動星津雲間
分合璧之光海上運摩天之翅奪造化而雲雷噴涌役
鬼神而風雨奔馳但思其食馬留肝徒云染指豈慮其
烹魚去乙或致傷鱗自慙乎屢腹易盈非嗜其熊蹯獨
美然則律者旣採繁者是除何知黑白之鵝強識淄澑
之水左太冲十年三賦未必無瑕劉穆之一日百函焉
能盡麗是知班張屈宋亦有蕪辭沈謝應劉猶多累句

雖遺妍可惜而備載斯難亦由執斧伐山止求嘉木挈
瓶赴海但汲甘泉等同於風月烟花各是其榦梨橘柚
昔姚合撰極玄集一卷傳於當代已盡精微今更採其
玄者勒成又玄集三卷記方流而目眩閱麗水而神疲
魚兔雖存筌蹄是弃所以金盤飲露唯採沆瀣之精花
界食珍但饗醍醐之味非獨資於短見亦可貽於後昆
採實去華俟諸來者時光化三年七月日

杜甫

李白

王維

常建

王昌齡

韓琮

司空曙

李賀

張九齡

高適

盧綸

錢起

李華

岑參

李嘉祐

崔顥

李益

任華

宋之間

戴叔倫

皇甫冉

崔峒

劉長卿

郎士元

杜誦

朱灣

陳羽

皇甫曾

鄭常

孟雲卿

楊凌

李宣遠

劉皂

章孝標

孟浩然

楊虞卿

祖詠

李端

韓翃

陶翰

章八元

姚倫

李頎

張衆甫

崔國輔

綦毋潛

孟郊

崔曙

冷朝陽

于良史

丘爲

蘓廣文

西郊

杜甫

時出碧雞坊。西郊向草堂。市橋官柳細。江路埜梅香。傍
架齊書帙。看題檢藥囊。無人覺來往。踪懶意何長。

春望

同

國破山河在。城春草木深。感時花濺淚。恨別鳥驚心。烽
火連三月。家書抵萬金。白頭搔更短。渾欲不勝簪。

禹廟

禹廟空山裏。秋風落日斜。荒庭垂橘柚。古屋畫龍蛇。雲
氣虛青壁。江聲走白沙。早知乘四載。踈鑿控三巴。

文立集
卷上
山寺

同

野寺殘僧少。山園細路高。麝香眠石竹。鸚鵡啄金桃。亂水通人過。懸崖置屋宇。上方重閣晚。百里見纖毫。

遣興

同

干戈猶未定。弟妹各何之。拭泪霑襟血。梳頭滿面絲。地卑荒野大。天遠暮江遲。衰老那能久。應無見汝期。

送韓十四東歸覲省

同

兵戈不見老萊衣。歎息人間萬事非。我已無家尋弟妹。君今何處訪庭闈。黃牛峽靜灘聲轉。白馬江寒樹影稀。

此別還須各努力。故鄉猶恐未成歸。

南隣

同

錦里先生烏角巾。園收芋栗不全貧。慣看賓客兒童喜。
得食階除鳥雀馴。秋水纔深四五尺。埜航恰受兩三人。
白沙翠竹江村暮。相送柴門月色新。

蜀道難

雜言

李白

噫嘻嚙。危乎高哉。蜀道之難。難於上青天。蠶叢及魚鳧。
開國何茫然。雨來四萬八千歲。乃不與秦塞通人煙。西
當太白有鳥道。可以橫絕峨眉巔。地崩山摧壯士死。然

後天梯石棧相勾連。上有橫河斷海之浮雲。下有衝波
逆折之廻川。黃鶴之飛兮上不得。猿猱欲渡愁攀牽。青
泥何盤盤。百步九折縈岩巒。捫參歷井仰脇息。以手拊
膺坐長歎。問君西遊何當還。長途巉峨不可攀。但見悲
鳥號古木。雄飛從雌繞林間。又聞子規啼夜月。愁空山。
蜀道之難。難於上青天。使人聽此凋朱顏。連峯入雲幾
千尺。枯松倒挂倚石壁。崩湍瀑流爭喧豗。砯崖轉石萬
壑雷。其嶮若此。嗟爾遠道之人胡爲乎來哉。劙閣峥嶸
而崔嵬。一夫當關。萬夫開。所守或非人。化爲狼與豺。

朝避猛獸夕避長蛇。磨牙吮血殺人如麻。錦城雖云樂不如早還家。蜀道之難難於上青天。側身西望長咨嗟。

古意

同

白酒初熟山中歸。黃雞啄黍秋正肥。呼童烹雞酌白酒。
男女歡笑牽人衣。高歌取醉欲自慰。起舞落日爭光輝。
遊說萬乘苦不早。著鞭跨馬涉遠道。會稽愚婦輕買臣。
余亦辭家西入秦。仰天大笑出門去。我輩豈是蓬蒿人。

長相思

同

美人在時花滿堂。美人去後空餘床。床中繡被竟不掩。

至今三載猶聞香。香亦竟不減。人亦竟不來。相思黃葉落。白露點青苔。

金陵西樓月下吟

同

金陵夜寂涼風發。獨上西樓望吳越。白雲映水搖空城。
白露垂珠濕秋月。月下長吟久不歸。古來相接眼中稀。
解道澄江靜如練。令人長憶謝玄暉。

觀獵

王維

風勁角弓鳴。將軍獵渭城。草枯鷹眼疾。雪盡馬蹄輕。忽
過新豐市。還歸細柳營。回看射鵠處。千里暮雲平。

終南山

同

太一近天都。連山到海隅。白雲回望合。青靄入看無。
分
埜中峰變陰。晴衆壑殊。欲投人處宿。隔水問樵夫。

勑借岐王九成宮避暑

同

帝子遠辭丹鳳闕。天書遙借翠微宮。隔牕雲霧生衣上。
卷
幔山泉入鏡中。林下水聲喧。語笑巖間樹色隱房櫳。
僊家未必能勝此。何事吹簫向碧空。

送秘書晁監歸日本

同

積水不可極。安知滄海東。九州何處遠。萬里若乘空。向

國唯看日歸帆但信風鼈身映天黑魚眼射波紅鄉樹
扶桑外主人孤島中別離方異域音信若爲通

吊王將軍

常建

嫖姚北伐時深入強千里戰餘落日黃軍敗鼓聲死常
聞漢飛將可奪單于壘今與山鬼隣殘兵哭遼水

題破山寺後院

同

清晨入古寺初日照高林竹逕通幽處禪房花木深山
光悅鳥性潭影空人心萬籟此都寂但餘鐘磬音

長信宮秋詞

王昌齡

奉幣平明金殿開。暫將團扇共徘徊。玉顏不及寒鴉色。
猶帶昭陽日影來。

春愁

韓琮

金烏長飛玉兔走。青鬢長青古無有。秦娥十六語如絃。
未解貪花惜楊柳。吳魚嶺雁無消息。水誓蘭情別來久。
勸君季少莫遊春。暖風遲日濃如酒。

公子行

同

紫袖長衫色。銀蟬半臂花。帶裝盤水玉。鞍繡坐雲霞。別
殿承恩澤。飛龍賜渥洼。控羅青裯轡。鏤象碧重葩。意氣

催歌舞闌珊走鉢車袖彰雲縹緲敘轉鳳欹斜珠卷迎
歸箔紅簾晃醉紗唯無難夜日不得似仙家

駱谷晚望

同

秦川如畫渭如絲去國還鄉一望時公子王孫莫來好
嶺花多是斷腸枝

暮春送客

同

綠暗紅稀出鳳城暮雲樓閣古今情行人莫聽宮前水
流盡年老是此聲

謝李端見贈

司空曙